

духовнаго, по повелѣнному от святителя<sup>98</sup> устрой вся,<sup>99</sup> яко же повелѣно бысть ему. И абие соборне пѣвше над нимъ над гробомъ пѣние надгробное, а ему же тогда (л. 312 об.) бывшу во гробѣ предъ ними.<sup>100</sup> Внезапу успе во гробѣ и почи, и не обрѣтешя<sup>101</sup> гробъ его<sup>102</sup> и лежащаго в немъ, и в томъ мѣсте бысть пропасть безъ дна. Святитель прииде тогда на освящение церкви по молению прошения Щилова и видѣ оно страшное и ужасное видѣние, от страха ужасся,<sup>103</sup> восторзѣ<sup>104</sup> бысть и<sup>105</sup> у разумѣ преста<sup>106</sup> от начинания своего, и повелѣ иконописцемъ вапы написати на стѣнѣ видѣние повѣдан<sup>107</sup> образа Щилова во адове днѣ всего над гробомъ его, и священну<sup>108</sup> церковь повелѣ запечатати, дондеже<sup>109</sup> богъ<sup>110</sup> изволитъ,<sup>111</sup> смотрениемъ своего человеколюбия, и отиде въ домъ свой<sup>112</sup> святыя Софья премудрости божии. Сынъ же рекомый Щиловъ тогда въ велице недоумѣнии бысть, скорбя и сѣтуя отча лишения. Внезапу прииде ко святителю ища спасения и помощи<sup>113</sup> лишения<sup>114</sup> душъ<sup>115</sup> отца своего, и прииде<sup>116</sup> паде<sup>117</sup> къ ногамъ святителя, кланяся ему и глаголя: «Святителю великий, даждь ми помощь от печали и помози лишению отца моего, и что ми, господине, велиши, да сотворю ти». <sup>118</sup> Святитель же с великимъ наказанисмъ повелѣ<sup>119</sup> въ постѣ и въ бдѣнии пребывати и заповѣда ему, глаголя: «Отселѣ<sup>120</sup> по на вся<sup>121</sup> 40 днѣй у четыредесяти церквей дай же священникомъ съ причетники урочная довольно, яже суть сорокоустие, да в тѣ дни на всякъ день по четыредесяти попахид и литургий<sup>122</sup> на день<sup>123</sup> неизмѣнно, и въ тѣ четыредесять днѣй во граде и по монастыремъ и на рас(л. 313 об)путяхъ не мини ни алчна, ни жадна, ни хладна,<sup>124</sup> сяко по силѣ твоей дай милостыню и препитай елико возможно. Та бо милостыня от смерти избавляетъ и по смерти помощь содѣваетъ и на небо возводитъ, и дондеже тако<sup>125</sup> четыредесять днѣй совершивъ, и приди къ нашему смирению и возвѣсти о семъ. Сынъ же Щиловъ слышавъ от святителя таковая, радости многи исполнися, и пад,<sup>126</sup> поклонися ему до земля съ плачемъ глаголя: «сй, честный отче, добре<sup>127</sup> совершу и<sup>128</sup> совѣща<sup>129</sup> совѣтъ<sup>130</sup> от бога еже<sup>131</sup> дарова<sup>132</sup> ми. Елико, господине, сила моя можетъ<sup>133</sup> с радостію заповѣди твоя сотворити потщуся.» И шедъ от святителя въ домъ свой и вся повелѣнная святителемъ четыредесять днѣй свс(л. 314)ршивъ непременно, со всякимъ усердиемъ и бодростію прииде ко святителю,<sup>134</sup> яже повелѣние его сотворити.<sup>135</sup> И святитель тогда от крылоса своего архидиакона, тайно наказавъ, посылаетъ къ запечатанной церкви. Распечатавъ, повелѣваетъ

98-99 устроися — В. 100 доб.: положение — ОВ. 101 доб.: предъ ними — В.  
 102 доб.: предъ ними — О. 103 и ужаса — В. 104 во страхѣ — О. 105-106 разумѣ  
 и про то — О. 107 подобия — В. 108 несвященну — ОВ. 109-111 излить  
 господь — В. 110 доб.: господь — О. 112 нет — ОВ. 113-115 лишен по душе — О.  
 114 лишеной — В. 116 нет — ОВ. 117 прииде — ОВ. 118 нет — ОВ. 119 доб.:  
 ему — ОВ. 120-121 повелѣваю ти на всякъ день на — ОВ. 122-123 пѣти — О;  
 повелѣ пѣти — В. 124 гладна — О; нага — В. 125 паки — В. 126 паки — О.  
 127-128 нет — ОВ. 129 доб.: сй — ОВ. 130-131 богъ — О; нет — В. 132 благо-  
 дарова — В. 133 нет — В. 134-135 повѣда ему яко повелѣнная его сотворивъ — В.  
 135 сотвори — О.